



PREDGOVOR

Poštovani,

ispred Vas se nalazi sedmi broj Godišnjaka *Acta Illyrica*. Sa zadovoljstvom mogu istaći da svojom kvalitetom i značajem ni najmanje ne odudara od svojih prethodnika. Da bi se takvo što postiglo, potrebno je uložiti mnogo rada i vremena. Ipak, i sa tim odnosom ne bi bilo moguće dostići ovakav nivo bez podrške velikog broja naših kolega i prijatelja iz akademske zajednice, koji su sve to prepoznali, pa im zato i ovaj put želimo izraziti našu neizmjernu zahvalnost. Saradnja članova Udruženja BATHINVS danas se proteže na naše kolege koji ne pripadaju samo govornom području zemalja bivše Jugoslavije, već se odvija i sa stručnjacima iz Austrije, Mađarske, Italije, Velike Britanije, pa i šire. Sve ovo je jasan pokazatelj da je rad uložen u Godišnjak *Acta Illyrica* prepoznat od strane istaknutih naučnika iz oblasti humanističkih nauka.

Prije nego što započnemo govoriti o strukturi sedmog broja časopisa, želimo da Vam u kratkim crtama predstavimo rad Udruženja BATHINVS tokom protekle 2023. godine. Svečana promocija šestog broja *Acta Illyrica* održana je 10. 3. 2023. godine na Filozofskom fakultetu Univerziteta u Sarajevu. Promotori ovog broja časopisa bili su prof. dr. Drago Župarić (Filozofski fakultet Univerziteta u Sarajevu), prof. dr. Almir Marić (Filozofski fakultet Univerziteta "Džemal Bijedić" u Mostaru) i doc. dr. Mirza Hebib (Pravni fakultet Univerziteta u Sarajevu). Moderator na promociji bio je Edin Veletovac, predsjednik Udruženja BATHINVS, a ujedno i glavni i odgovorni urednik časopisa *Acta Illyrica*. Nakon promocije tradicionalno su dodijeljene i nagrade studentima za najbolje radove u okviru nagradnog konkursa "Prof. dr. Esad Pašalić". Nagrade je uručila akademkinja prof. dr. Adila Pašalić Kreso, koja je tom prilikom održala i prigodan govor.

U okviru obilježavanja Međunarodnog dana muzeja, u prostorijama Muzeja Kozare, 18. 5. 2023. godine održana je promocija knjige *Northern Bosnia within the bounds of Roman Pannonia / Sjeverna Bosna u okvirima rimske Panonije*, autorice Amre Šaćić Beća, koja je objavljena u izdanju Udruženja BATHINVS. Promotori izdanja bili su prof. dr. Adnan Kaljanac (Filozofski fakultet Univerziteta u Sarajevu) i Daniela Radosavac, kustosica arheološke zbirke Muzeja Kozare. Na promociji se obratila i autorica Amra Šaćić Beća (Filozofski fakultet Univerziteta u Sarajevu), koja se zahvalila Muzeju Kozare na pruženoj stručnoj pomoći tokom procesa istraživačkog rada. Sama knjiga je izazvala veliko interesovanje u akademskoj javnosti ne samo u Bosni i Hercegovini, već i izvan njenih granica.



Udruženje BATHINVS je ove godine bilo učesnik i History Festa, koji se smatra jednim od najznačajnijih događaja iz oblasti historiografije u široj regiji. History Fest je godišnji festival historije koji se održava u Bosni i Hercegovini od 2017. godine. Dana 7. 6. 2023. godine Udruženje je predstavilo nekoliko izdanja iz svog izdavačkog opusa. To su knjige *Bitka za Ilirik* i *Geneza zla – Agrarna kriza: ekonomski i socijalni pad Republike* prof. dr. Salmedina Mesihovića, zatim *Northern Bosnia within the bounds of Roman Pannonia / Sjeverna Bosna u okvirima rimske Panonije*, autorice prof. dr. Amre Šaćić Beća, kao i dosadašnje brojeve časopisa *Acta Illyrica*. Prisutnima su se obratili autori navedenih publikacija te glavni i odgovorni urednik časopisa *Acta Illyrica*, dr. sc. Edin Veletovac.

Na poziv Muzeja Brčko Distrikta, 24. 8. 2023. godine upriličena je još jedna promocija izdanja Udruženja BATHINVS. Moderatorica na promociji bila je Enida Murselović, MA, kustosica Muzeja Brčko Distrikta. Publika je imala priliku upoznati se sa knjigom prof. dr. Salmedina Mesihovića *Bitka za Ilirik* i djelom *Northern Bosnia within the bounds of Roman Pannonia / Sjeverna Bosna u okvirima rimske Panonije*, autorice prof. dr. Amre Šaćić Beća. Pored toga, predstavljeni su i posljednji brojevi časopisa *Acta Illyrica*.

Članovi Udruženja BATHINVS su se odazvali pozivu Muzeja Kakanj da kroz formu javne rasprave i diskusije osvrnu se na identitete kao jednosloženoj i dinamičnoj stvarnosti uslovljenu prostorom, vremenom i kulturno-historijskim razvojem. Poimanje identiteta u antici je drugačije nego u savremenom dobu u što su se svakako mogli uvjeriti posjetioci tribine. Naime, u saradnji sa JU KSC Kakanj / Muzej Kakanja 20. 11. 2023. godine povodom Dana državnosti Bosne i Hercegovine, koji se obilježava 25. 11, održana je naučna tribina “Identiteti stanovništva Bosne i Hercegovine kroz historiju – čija je Bosna?!”. Na događaju su u ime Udruženja BATHINVS učestvovali prof. dr. Amra Šaćić Beća sa temom *Ilirski i panonski narodi – najstariji po imenu poznati stanovnici današnje Bosne i Hercegovini*, te dr. sc. Edin Veletovac, koji je govorio na temu *Počeci kršćanstva na prostoru Bosne i Hercegovine i kasnoantičke bazilike na području srednje Bosne*. Pored naših članova na tribini je učestvovao i akademik prof. dr. Husnija Kamberović, koji se osvrnuo na problematiku modernih identiteta. Moderatorica na ovom događaju je bila kustosica JU Muzej Kakanja, Amra Veispahić, MA.

Pored izdavanja sedmog broja časopisa *Acta Illyrica* za kraj kalendarske godine predviđen je i šesti ciklus javnih predavanja. Ovogodišnji gost naše tradicionalne manifestacije bit će doc. dr. Feđa Milivojević sa Filozofskog fakulteta Sveučilišta u Rijeci. Kolega Milivojević će govoriti na temu “Nastanak provincije Ilirik”. Predavanje će biti održano u 12. 12. 2023. godine u malom amfitetaru Filozofskog fakulteta

Univerziteta u Sarajevu, a domaćin ovogodišnjem ciklusu javnih predavanja jeste Centar za historijska istraživanja. Ovogodišnji koordinatori projekta su članovi Udruženja “BATHINVS” Dženana Kahriman, MA i Fadil Hadžiabdić, MA Iste sedmice, 13. 12. 2023. u Akademiji nauka i umjetnosti Bosne i Hercegovine predviđena je promocija našeg izdanja *Northern Bosnia within the bounds of Roman Pannonia / Sjeverna Bosna u okvirima rimske Panonije*, autorice prof. dr. Amre Šaćić Beća. Promotori knjige u Sarajevu bit će dr. Alka Domić Kunić (Hrvatska akademija znanosti i umjetnosti) i doc. dr. Feđa Milivojević (Filozofski fakultet Sveučilišta u Rijeci). Ispred Centra za balkanološka ispitavanja ANUBIH promociju će voditi prof. dr. Adnan Kaljanac.

Kao i prethodnih godina, Udruženje BATHINVS je nastavilo saradnju sa porodicom profesora Esada Pašalića, te u njegovu čast raspisalo peti po redu Javni poziv za nagradni fond. Kao i do sada, glavna intencija poziva je bila podstaći interesovanje studenata za proučavanjem antičke historije i arheologije, te kulturno-historijskog naslijeđa koje pripada tom razdoblju. Zainteresovani studenti da bi konkurisali na ovom pozivu trebali su uraditi prikaz jedne od devetnaest publikacija koje su se našle na listi, a u skladu sa pravilima objavljenim u tekstu na web stranici Udruženja. Nagradni fond je bio 1.000 KM, koji je raspoređen na sljedeći način:

1. mjesto – 500 konvertibilnih maraka;
2. mjesto – 300 konvertibilnih maraka;
3. mjesto – 200 konvertibilnih maraka.

Konkurs je objavljen 4. 7. 2023. godine, a pravo učešća su imali studenti II ciklusa studija historije i arheologije, te studenti III ciklusa doktorskog studija arheologije i antičke historije. Studenti II ciklusa studija mogli su se prijaviti na Javni poziv pod uslovom da studiraju na jednom od univerziteta u Bosni i Hercegovini, dok su studenti III ciklusa imali pravo na prijavu čak i u slučaju da studiraju u inostranstvu. Javni poziv je bio objavljen na web stranici Udruženja BATHINVS (www.bathinvs.com). Komisiju koja je bila zadužena za valorizaciju pristiglih radova činili su: prof. dr. sc. Bego Omerčević (predsjednik komisije; redovni profesor u penziji, dugogodišnji nositelj kolegija iz oblasti historije Starog vijeka na Filozofskom fakultetu Univerziteta u Tuzli, kao i dugogodišnji dekan u istoimenoj instituciji te redovni član redakcije časopisa *Acta Illyrica*), prof. dr. sc. Almir Marić (član; nositelj kolegija iz oblasti historije Starog vijeka na Fakultetu humanističkih nauka Univerziteta “Džemal Bijedić” u Mostaru), doc. dr. Feđa Milivojević (član; Odsjek za povijest Filozofskog fakulteta Sveučilišta u Rijeci).

Po isteku roka za prijavu kandidata, stručna komisija je pristupila ocjenjivanju pristiglih radova, te saopštila sljedeću rang listu:



1. mjesto: Azra Sarić (studentica doktorskog studija na Odsjeku za arheologiju, Filozofskog fakulteta Univerziteta u Beogradu). Za nagradu “Prof. dr. Esad Pašalić”, Azra Sarić je konkurisala sa prikazom knjige “Zbirke antičkih fibula iz Franjevačkog samostana u Tolisi”, autora Adnana Busuladžića.
2. mjesto: Tarik Seferović (student drugog ciklusa studija na Odsjeku za historiju, Filozofskog fakulteta Univerziteta u Sarajevu). Za nagradu “Prof. dr. Esad Pašalić”, Tarik Seferović je konkurisao sa prikazom knjige “Izvori za historiju rimskog svijeta”, autora Salmedina Mesihovića, Dženane Kahriman i Fadila Hadžiabdića.

Zbog malog broja pristiglih prijava stručna komisija je odlučila da budu dodijeljene samo prve dvije nagrade. Osim novčanih nagrada, gore navedena dva prikaza, kao dodatni stimulans autorima, objavljena su u ovom broju Godišnjaka *Acta Illyrica*, u sekciji *Prikazi*, uz nadu da njihov pravi naučni rad tek počinje.



Na stranicama koje se nalaze ispred Vas ukupno je deset naučno-istraživačkih radova, kao i u prethodnom broju, te četiri rada u sekciji *Prilozi*, od čega su dva napisana od strane studenata u okviru nagradnog konkursa “Prof. dr. Esad Pašalić”. Zaprimljeni radovi koji nisu pozitivno ocijenjeni od strane stručnih recenzenata nisu objavljeni. Urednički i redakcioni odbor kao i do sada nisu ulazili u procjenu kvalitete pristiglih radova, već su taj nezahvalni posao u potpunosti prepustili recenzentskom timu uglednih stručnjaka. Uputstva na temelju kojih je recenzentski odbor ocjenjivao i rangirao pristigle radove nalaze se na web stranici Udruženja BATHINVS, a također se može pronaći i kao dodatak na kraju svakog broja Godišnjaka *Acta Illyrica*. Četiri rada od ovdje deset publiciranih bave se periodom rimske uprave na tlu rimske provincije Dalmacije. Tri rada bave se problemima iz oblasti klasične filologije, dok po jedan rad obrađuje teme iz prahistorije, helenizma i filozofije. Veoma smo zadovoljni što je od deset objavljenih radova, njih čak sedam ocijenjeno kao izvorni naučni rad, dok su tri rada ocijenjena kao pregledni radovi. Kao i u prethodnim brojevima, i ovom broju bili su analizirani do sada nepublikovani arheološki materijali, ali i rezultati revizija objavljenog materijala, što svakako predstavlja doprinos nauci. Pored naučnih radova na strancama ovog broja svoje mjesto našli su prikazi knjiga. Ako izuzmemo prikaze koji su pisani u sklopu fonda “Prof. dr. Esad Pašalić” i koji predstavljaju osvrt na nešto starija izdanja, drugi prikazi odnose se na publikacije objavljene u toku aktuelne kalendarske godine. Riječ je o prikazima knjiga “Stranputice rane arheologije u Bosni i Hercegovini = Paradoxes of Early Archaeology in Bosnia and Herzegovina” autora Adnana Kaljanca i “Nossalità, falsa,

nossalità e magia. Negli illeciti agricoli e pastorali dalla codificazione decemvirale al primo Principato”, čiji je autor Giovanni Brandi Cordasco Salmena.

Kada je u pitanju Redakcioni odbor, moramo istaći da je bogatiji za dva nova renomirana člana, a to su: dr. sc. Dragana Mladenović (University of Southampton, School of Humanities, Velika Britanija) i prof. dr. Nada Bulić (Sveučilište u Zadru, Odjel za klasičnu filologiju, Hrvatska). Svaki put kada se u rad našeg Redakcionog odbora uključe novi eminentni članovi, moramo naglasiti da osjećamo veliko zadovoljstvo, jer to dodatno govori o prepoznatom trudu od strane akademske zajednice širom svijeta. Pored stručnjaka iz matične Bosne i Hercegovine, ostali članovi Redakcionog odbora dolaze iz Hrvatske, Srbije, Crne Gore, Slovenije, Italije, Austrije, Australije i Velike Britanije. Redakcioni odbor sedmog broja časopisa u najvećoj mjeri ostaje nepromijenjen, s tim da su od ovog broja njemu pridodata još dva saradnika iz inostranstva, koja su prethodno spomenuta. Nikada nećemo moći dovoljno naglasiti ponos koji osjećamo kada se pogledaju renomirana imena koja se nalaze u Redakcionom odboru. To zaista govori da je trud koji ulažemo u ovaj naučni časopis prepoznat od strane akademske zajednice ne samo u regionu, već i mnogo šire. Redakciju ovog sedmog broja časopisa čine: Enver Imamović (Filozofski fakultet Univerziteta u Sarajevu / Faculty of Philosophy, University of Sarajevo); Milan Lovenjak (Filozofski fakultet Univerziteta u Ljubljani / Faculty of Arts, University of Ljubljana); Marcel Burić (Filozofski fakultet Sveučilišta u Zagrebu / Faculty of Humanities and Social Sciences, University of Zagreb); Branka Migotti (Zagreb, Hrvatska / Zagreb, Croatia); Salmedin Mesihović (Filozofski fakultet Univerziteta u Sarajevu / Faculty of Philosophy, University of Sarajevo); Ivan Basić (Filozofski fakultet Sveučilišta u Splitu / Faculty of Humanities and Social Sciences, University of Split); Olga Pelcer-Vujačić (Institut za istoriju Univerziteta Crne Gore / Historical institute of the University of Montenegro); Siniša Bilić-Dujmušić (Hrvatsko katoličko Sveučilište u Zagrebu / Catholic University of Croatia); Drago Župarić (Filozofski fakultet Univerziteta u Sarajevu / Faculty of Philosophy, University of Sarajevo); Bego Omerčević (Filozofski fakultet Univerziteta u Tuzli / Faculty of Philosophy, University of Tuzla); Ivan Radman Livaja (Arheološki muzej u Zagrebu / Archaeological Museum in Zagreb); Marko A. Janković (Filozofski fakultet Univerziteta u Beogradu / Faculty of Philosophy, University of Belgrade); Dejan Gazivoda (Centar za konzervaciju i arheologiju Crne Gore / Center for Conservation and Archaeology of Montenegro); Lucijana Šešelj (Filozofski fakultet u Sveučilišta u Rijeci / Faculty of Humanities and Social Sciences, University of Rijeka); Diana Sergeeva Dobрева (Odsjek za kulturu i civilizaciju Univerziteta u Veroni / Department of Cultures and Civilizations, University of Verona); Uroš Matić (Institut za arheologiju Austrijske akademije nauka i umjetnosti /



Österreichische Archäologische Institut Österreichischen Akademie der Wissenschaften), Danijel Džino (Department of History and Archaeology, Macquarie University), Mattia Vitelli Casella (Department of History and Cultures, University of Bologna), dr. sc. Dragana Mladenović (University of Southampton, School of Humanities, Velika Britanija) i prof. dr. Nada Bulić (Sveučilište u Zadru, Odjel za klasičnu filologiju, Hrvatska, University of Zadar, Department of Classical Philology).

Urednički kolegij je ostao nepromijenjen u odnosu na prethodni broj i čine ga: glavni i odgovorni urednik dr. sc. Edin Veletovac, predsjednik Udruženja "BATHINVS", izvršna urednica časopisa je prof. dr. Amra Šaćić Beća, sa Katedre za stari vijek, Odsjek za historiju Filozofskog fakulteta Univerziteta u Sarajevu, sekretar redakcije časopisa *Acta Illyrica* Dženana Kurtović, MA (sekretar Udruženja BATHINVS).

Recenzentski odbor sedmog broja časopisa *Acta Illyrica* čine: Adnan Busuladžić (Filozofski fakultet Univerziteta u Sarajevu / Faculty of Philosophy, University of Sarajevo), Nikola Cesarik (Nezavisni istraživač / Independent Researcher), Nadežda Gavrilović Vitas Perić (Arheološki institut, Beograd / Institute of Archaeology, Belgrade), Maria Mariola Glavan (Sveučilište u Zadru, Odjel za klasičnu filologiju / University of Zadar, Department of Classical Philology), Adnan Kaljanac (Filozofski fakultet Univerziteta u Sarajevu / Faculty of Philosophy, University of Sarajevo), Darija Rupčić Kelam (Sveučilište Josipa Jurja Strossmayera u Osijeku, Filozofski fakultet / Josip Juraj Strossmayer University of Osijek, Faculty of Humanities and Social Sciences), Almir Marić (Fakultet humanističkih nauka Univerziteta "Džemal Bijedić" u Mostaru / Faculty of Humanities "Džemal Bijedić" University of Mostar), Csaba Szabó (Univerzitet u Segedinu, Odsjek za religijske studije / University of Szeged, Department of Religious Studies), Tino Tomas (Sveučilište u Mostaru, Filozofski fakultet / University of Mostar, Faculty of Humanities and Social Sciences), Mladen Tomorad (Hrvatsko katoličko sveučilište / Catholic University of Croatia), Inga Vilogorac Brčić (Sveučilište u Zagrebu, Filozofski fakultet / University of Zagreb, Faculty of Humanities and Social Sciences).

Koristimo priliku da se za angažman na ovom broju zahvalimo također kolegama: Mileni Gošić Arama (Filozofski fakultet Univerziteta u Beogradu / Faculty of Philosophy, University of Belgrade), Dijani Beljan (Filozofski fakultet Univerziteta u Sarajevu / Faculty of Philosophy, University of Sarajevo), Slobodanki Prtiji (Filozofski fakultet Univerziteta u Banjoj Luci / Faculty of Philosophy, University of Banja Luka), Lini Veljaku (Filozofski fakultet Sveučilišta u Zagrebu / Faculty of Humanities and Social Sciences, University of Zagreb) i Dragi Župariću (Filozofski fakultet Univerziteta u Sarajevu / Faculty of Philosophy, University of Sarajevo).

Godišnjak *Acta Illyrica* je indeksiran i arhiviran u američkoj bazi podataka Complementary Index – EBSCO Host, koja se smatra jednom od najpotpunijih baza kada su u pitanju stručni časopisi iz oblasti humanističkih i društvenih nauka. U navedenoj bazi je indeksirano preko 3.7 milijardi publikacija vodećih svjetskih izdavača. Na ovaj način *Acta Illyrica* je dostupna za preko 14.000 naučnih i obrazovnih institucija širom svijeta. Također, od petog broja, *Acta Illyrica* je indeksirana i arhivirana u jednoj od najvažnijih baza podataka za humanističke nauke, ERIH PLUS. Pored toga, *Acta Illyrica* je indeksirana i u CEEOL bazi podataka, koja je predstavlja vodeću bibliotekarsku bazu akademskih časopisa i knjiga, specijaliziranu za prostor centralne i jugoistočne Evrope. Na kraju, *Acta Illyrica* je indeksirana i u bazi podataka ROAD (Directory of Open Access scholarly Resources).

U kontekstu međunarodne prepoznatljivosti časopisa urađen je još jedan važan korak. Godišnjak Udruženja “BATHINVS” *Acta Illyrica* je 30. 10. 2023. godine uvršten u kategoriju naučnih časopisa područja 10 za antiku, klasičnu filozofiju i umjetnost (Scienze dell’antichità, filologico-letterarie e storico-artistiche (Area 10) prema evaluaciji koju vrši Italijanska nacionalna agencija za evaluaciju univerziteta i istraživačkih instituta (Agenzia Nazionale di Valutazione del Sistema Universitario e della Ricerca (ANVUR)) <https://www.anvur.it/> To znači da svi radovi, koji su objavljeni ili će biti objavljeni u časopisu *Acta Illyrica*, u Italiji se vrednuju kao radovi prve kategorije što je u Bosni i Hercegovini ekvivalent bazama Web of Science Master Journal List i Scopus. Ova vijest je posebno važna jer je Italija svjetsko središte za izučavanje klasične historije, arheologije i filologije. Na Schengen List University, koja se smatra vodećom svjetskom listom u rangiranju univerziteta, italijanski univerziteti zauzimaju vodeće pozicije za navedene oblasti. Napominjemo da je La Sapienza trenutno prva na listi Univerziteta za područje klasičnih studija. *Acta Illyrica* je trenutno jedini časopis iz Bosne i Hercegovine iz oblasti humanistike koji je uspješno okončao evaluacijski postupak u spomenutoj državnoj agenciji u Italiji.

Zahvaljujemo članu naše redakcije doc. dr. sc. Mattia Vitelli Casella sa Univerziteta u Bolonji na angažmanu da naša aplikacija bude urađena prema visokim standardima koje nameće Agenzia Nazionale di Valutazione del Sistema Universitario e della Ricerca (ANVUR).

Ovaj put naslovnicu časopisa krase arheološki materijal iz ženskog groba iz kasnog brončanog doba, koji je ponaden na lokalitetu Gradina u Mravićima kod Doboja (općina Doboje Jug). Ovim želimo da i kroz sadržaj naslovnice promoviramo prahistorijsko i antičko naslijeđe Bosne i Hercegovine, a koje je pohranjeno u muzejskim institucijama primarno Bosne i Hercegovine, a onda i šire regije. Zahvaljujemo se



cijenjenim kolegama iz JU Muzej Tešnja na ustupljenim fotografijama, a posebno direktorici navedene institucije, mr. Mensuri Mujkanović.

Želimo izraziti veliku zahvalnost svim članovima redakcije i recenzentskog odbora, koji su izdvojili svoje dragocjeno vrijeme i posvetili ga povećanju kvalitete časopisa *Acta Illyrica*. Godišnjak *Acta Illyrica* davno je prevazišao okvire Bosne i Hercegovine i već odavno je jasno da zapravo predstavlja jedan međunarodni projekat, o čemu prvenstveno govori sastav redakcionog i recenzentskog odbora.

Kao i svaki put do sada, želimo izraziti zahvalnost za stručnu pomoć Elviri Poljak Bajramović, bibliotekarki Odsjeka za historiju i Odsjeka za pedagogiju Filozofskog fakulteta u Sarajevu, bez čijeg doprinosa, nijedan rad ne bi imao bibliotekarsku kvalifikaciju. Pored toga, zahvalnost dugujemo i Aidi Hasović, MA, za lekturu i korekturu, kao i Samri Čebirić-Biberović, MA, koja se pobrinula za prijevod tekstova na engleski jezik te dipl. Amri Mekić, koja je još jednom uradila besprijekoran posao kada je tehnička priprema časopisa u pitanju, kao i vizuelni izgled naslovnice. Zahvalnost dugujemo i mr. sc. Nadini Grebović-Lendo, direktorici biblioteka Univerziteta u Sarajevu, kao i Vahidu Piraliću, bibliotekaru Filozofskog fakulteta Univerziteta u Sarajevu, na nesebičnoj pomoći i savjetima kojima su dodatno pomogli unaprijediti kvalitetu Godišnjaka *Acta Illyrica*. Također, zahvaljujemo se prof. dr. Begi Omerčeviću na nesebičnoj i konstantnoj podršci radu Udruženja BATHINVS koja traje još od njegovog osnivanja 2014. godine. Naravno, zahvaljujemo se i svim bliskim prijateljima, mentorima, saradnicima i kolegama, bez čije podrške ni ovaj broj ne bi bilo moguće publicirati.

Na kraju, zahvaljujemo se Federalnom ministarstvu za obrazovanje i nauku, Fondaciji za izdavaštvo, kao i Ministarstvu za nauku, visoko obrazovanje i mlade Kantona Sarajevo koji su pomogli finansirati štampanje ovog broja časopisa.

Glavni i odgovorni urednik
Edin Veletovac